



Skulekameratar framfor gamal skule. Dei 4 ansatte frå barnehagen er Wenche Seljestad, Marianne Sund, Ellinor Gåsdal og Camilla Ravenel

### Ein hyggeleg tradisjon.

Det slog pedagogisk leiar Wenche Seljestad fast då 20 skulekameratar frå Myrane barnehage på Husnes var samla i Haugland gamle skule i føremiddag. Dette var sjette året på rad Myrane reiste til Kvinnherad skulemuseum med dei som skal starte på skulen til hausten. 5- og 6-åringane opplevde ein annleis skuledag og var engasjerte og flinke.



Ylva og Vanessa får ei hjelpande hand

Nok ein gong opplevde ein som var fluge på veggjen at ei over 100 år gamal skulestove med inventar og læremiddel kan spela ei viktig pedagogisk rolle. Skuledagen var konsentrert til 2 1/2 time, og det starta med den stramme disiplin som prega gamleskulen. Elevane måtte bukka og handhelsa på lærarinna etter å ha sunge om klokka som klang.. Og dei måtte stå pent ved sida av pultane.



Kuleramma var eit effektivt hjelpemiddel!

Skuledagen starta naturleg med geografi ettersom alle dei gamle karta fanga stor interesse. Lærar Wenche hadde si fulle hyre med å svara på alle spørsmåla om kor landa låg og ligg og då Marianne Sund slapp til med mattetime og brukte kuleramme som hjelpemiddel imponerte 'kameratane' stort. - Dere er kjempeflinke og kunne gått på denne skulen, var konklusjonen. Og så var elevane flinke til å syngja - dei kunne både nasjonalsongen og Blomster små.



Slik var Europa før siste krig!

Lese og skrivetime var siste post på timeplanen før matøkt og friminutt.

Elevane reagerte kvikt på framande ord som vart lese - til dømes undra dei på kva lauga betydde.

- Elevane har godt av å oppleva korleis det var i skulen før. Det handlar i stor grad om røtene våre., sa Wenche, som karakteriserte ungane 'sine' som skuleglade!

Tekst og foto: Ola Matti Mathisen